

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН

ИНДӨД

Көкъямыссянь дас сизим арөсөдз арлыда кага выlö быдтöлысся сьöм мынтöм йылысь

«Челядя семьяслы быдтöлысся сьöм мынтöм йылысь» Россия Федерацияса Президентлөн 2022 во рака тöлысь 31 лунся 175 №-а Индөд, «Россия Федерацияса сьöмкудйысь öтдор канму фондлөн веськөдлан орган да Россия Федерацияса субъектлөн медвылыс олөмө пöртысь канму власьт орган, Байконур к. администрация, «Сириус» федеральной мутаслөн администрация костын Россия Федерацияса субъектлөн, Байконур карлөн, «Сириус» федеральной мутаслөн сьöмкудйысь Россия Федерацияса сьöмкудйысь öтдор канму фондлөн сьöмкудлы субвенция сетöм йылысь артмөдчөм кырымалан правилöяс вынсьөдөм йылысь» Россия Федерацияса Веськөдлан котырлөн 2022 во косму тöлысь 8 лунся 622 №-а шуөм, «8-сянь 17 арөсөдз арлыда кага выlö быдтöлысся сьöм мынтöм сетан пöрадок да условиеяс дорö медшөр корөмьяс, документьяслысь (төдмөгьяслысь) ылөсалөм лыддьөг, кутшөмьяс колöны индөм быдтöлысся мынтöмсö индөм выlö, да сийөс индөм йылысь заявлениелысь типөвöй форма вынсьөдөм йылысь» Россия Федерацияса Веськөдлан котырлөн 2022 во косму тöлысь 9 лунся 630 №-а шуөм серти шуа:

1. Урчитны, мый:

1) Коми Республика мутасын көкъямыссянь дас сизим арөсөдз арлыда кага выlö быдтöлысся сьöм мынтöмсö (водзö – быдтöлысся мынтöм) сетöны 2022 вося косму тöлысь 1 лунсянь сэк, кор кага лоö Россия Федерацияса гражданинөн, пыр олө Россия Федерацияса мутасын да семьялөн öти морт выlö шөркодь чөжös ыдждаыс оз вевтырт быд морт

вылӧ овны судзсяна сьӧм мындасӧ, кутшӧмӧс урчитӧма Коми Республикаын быдтӧлысса мынтӧм индӧмла шыӧдчан кадпас вылӧ;

2) быдтӧлысса мынтӧмсӧ индӧны пӧрадокын да условиясын, кутшӧмьясӧс урчитӧма «8-сянь 17 арӧсӧдз арлыда кага вылӧ быдтӧлысса сьӧм мынтӧм сетан пӧрадок да условияс дорӧ медшӧр корӧмьяс, документьяслысь (тӧдмӧгьяслысь) ылӧсалӧм лыддьӧг, кутшӧмьяс колӧны индӧм быдтӧлысса мынтӧмсӧ индӧм вылӧ, да сийӧс индӧм йылысь заявлениелысь типӧвӧй форма вынсьӧдӧм йылысь» Россия Федерацияса Веськӧдлан котырлӧн 2022 во косму тӧлысь 9 лунся 630 №-а шуӧмӧн.

2. «Челядя семьяслы быдтӧлысса сьӧм мынтӧм йылысь» Россия Федерацияса Президентлӧн 2022 во рака тӧлысь 31 лунся 175 №-а Индӧдлӧн 3 да 4 пунктъяс серти сетны Россия Федерацияса пенсия фондлы тайӧ Индӧдлӧн 1 пунтын индӧм быдтӧлысса мынтӧмсӧ збыльмӧдӧм серти уджмогьяссӧ, кутшӧмьясӧс олӧмӧ пӧртӧны Коми Республикаса Веськӧдлан котыр да Россия Федерацияса пенсия фонд костын кырымалан артмӧдчӧмсӧ тӧд вылӧ босьтӧмӧн.

3. Коми Республикаса Веськӧдлан котырлы:

1) 2022 вося лӧддза-номья тӧлысь 1 лунӧдз кадколастӧ нуӧдны Коми Республикаса оланпастэчасӧн урчитӧм пособиаяс, мынтӧмьяс да социальнӧя отсалан мукӧд мера серти инвентаризация, кутшӧмьясӧс сетӧны гражданагы, кодьяслӧн эм кӧкъямыссянь дас сизим арӧсӧдз арлыда челядь (водзӧ – социальнӧя отсалан мераяс), да сетны социальнӧя отсалан индӧм мераяс водзӧ збыльмӧдӧм серти вӧзйӧмьяс;

2) 2022 восянь заводитӧмӧн урчитны тайӧ Индӧдсӧ збыльмӧдӧмкӧд йитчӧм рӧскодсӧ сьӧмӧн могмӧдӧм вылӧ Коми Республикаса республиканскӧй сьӧмкудйысь сьӧмкуд ассигнованиеяс быд во вичмӧдӧмсӧ федеральнӧй сьӧмкудйысь Россия Федерацияса субъектъяслӧн сьӧмкудьяслы субсидияяс лӧсьӧдан, сетан да юклан правилӧяс серти Коми Республикаса рӧскод кӧсйысьӧмьяс сьӧмӧн ӧтув могмӧдан тшупӧдсӧ тӧд вылӧ босьтӧмӧн;

3) 2022 вося ода-кора тӧлысь 1 лунӧдз могмӧдны канму да муниципальной услугаяс сетан уна мога шӧриньяс пыр, кутшӧмьяс меститчӧны Коми Республика мутасын, быдтӧлысья мынтӧм индӧмла гражданагысь шыӧдчыны позянлунсӧ, сы лыдын гражданагысь документьяс кортӧг, кутшӧмьяс лоӧны канму услугаяс сетысь органьяслӧн, муниципальной услугаяс сетысь органьяслӧн, мукӧд канму органлӧн, меставывса асвеськӧдлан органьяслӧн да канму органьяслӧн либӧ меставывса асвеськӧдлан органьяслӧн ведомствоувса организацияслӧн веськӧдлӧм улын.

4. Тайӧ Индӧдсӧ олӧмӧ пӧртӧм бӧрся видзӧдны Коми Республикаса Веськӧдлан котырӧн Юрнудысьӧс вежысьлы, кодӧ кывкутана могьяс юклӧм серти ладмӧдӧ Коми Республикаӧс социальнӧя да экономика боксянь сӧвмӧдан юалӧмьяс серти Коми Республикаса олӧмӧ пӧртысь власьт органьяслысь уджсӧ.

5. Тайӧ Индӧдыс вынсялӧ сӧйӧс официальнойӧ йӧзӧдан лунсянь.

Коми Республикаса Юралысь

В. Уйба

Сыктывкар

2022 вося косму тӧлысь 18 лун

43 №